

BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
OPĆINSKI SUD U VISOKOM
Broj predmeta: 41 0 K 097949 23 K
Visoko, 12.03.2024.godine

U IME FEDERACIJE BOSNE I HERCEGOVINE

Općinski sud u Visokom, sudija Ana Sotirov, uz sudjelovanje zapisničara Abebe Kljajić, u krivičnom predmetu protiv optuženog C. F., zbog krivičnog djela neovlaštena proizvodnja i stavljanje u promet opojnih droga iz člana 238. stav 1. u vezi sa članom 55. KZ FBiH, rješavajući po optužnici Kantonalnog tužilaštva Zeničko – dobojskog kantona broj: T04 0 KT 0048970 22 od 01.06.2023. godine, na glavnoj raspravi održana dana 12.03.2024.godine u prisustvu Kantonalnog tužioca M. M., branitelj optuženog C. F., Tarik Lemeš, advokat iz Visokog i optuženi C. F., dana 12.03.2024. godine donio je :

P R E S U D U

OPTUŽENI: C. F., sin F. i majke R. rođene K., rođen.... godine u V., gdje je i nastanjen u mjestu ..., pismen, sa završenih šest razreda osnovne škole, po zanimanju limar, nezaposlen, oženjen, otac troje djece, srednjeg imovnog stanja, JMB: ..., osuđivan,

K R I V J E

Što je:

Dana 22.12.2021. godine, u Visokom, suprotno odredbama člana 4. stav 1., 2., 3. i 5. u vezi sa članom 20. Zakona o sprečavanju i suzbijanju zloupotrebe opojnih droga BiH, radi dalje neovlaštene prodaje kod sebe držao osam pvc paketića opojne droge „amfetamin“ ukupne težine 16,003 grama, koja je pod rednim brojem 1. Liste psihotropnih tvari iz tabele II „Tvari i biljke pod strogom kontrolom“ proglašena takvom, iako je bio svjestan da je držanje i prodaja opojne droge zakonom zabranjena, što je i htio, a koja droga mu je pronađena od strane policijskih službenika PS Visoko prilikom pretresa kuće i pratećih objekata koje koristi u mjestu ...,

dana 11.05.2022. godine, u Visokom, suprotno odredbama člana 4. stav 1., 2., 3. i 5. u vezi sa članom 20. Zakona o sprečavanju i suzbijanju zloupotrebe opojnih droga BiH, radi dalje neovlaštene prodaje kod sebe držao dva paketića opojne droge „amfetamin“ težine 0,723 grama i 0,557 grama, koja je pod rednim brojem 1. Liste psihotropnih tvari iz tabele II „Tvari i biljke pod strogom kontrolom“ proglašena takvom, iako je bio svjestan da je

držanje i prodaja opojne droge zakonom zabranjena, što je i htio, a koja droga mu je pronađena od strane policijskih službenika prilikom pretresa kuće koju koristi u mjestu ...,

čime je učinio produženo krivično djelo neovlaštena proizvodnja i stavljanje u promet opojnih droga iz člana 238. stav 1. u vezi člana 55. KZ F BiH.

Sud optuženom na osnovu člana 43. Krivičnog zakona Federacije Bosne i Hercegovine, izriče:

**KAZNU ZATVORA
U TRAJANJU OD 1 (JEDNE) GODINE**

Na osnovu člana 202. stav 4. ZKP FBiH, optuženi se oslobađa plaćanja troškova krivičnog postupka i isti padaju na teret budžeta.

Na osnovu člana 78. i člana 238. stav 4. KZ F BiH, od optuženog C. F., oduzima se opojna droga "amfetaminsulfat", preostao nakon vještačenja, pohranjena u depozitu MUP ZDK, Uprava policije Zenica, a koja će po pravosnažnosti ove presude biti uništeno od strane MUP ZDK, Uprava policije Zenica.

O b r a z l o ž e n j e

Kantonalno tužilaštvo Zenica optužnicom broj : T04 0 KT 0048970 22 od 01.06.2023. godine, optužilo je C. F., zbog krivičnog djela neovlaštena proizvodnja i stavljanje u promet opojnih droga iz člana 238. stav 1. u vezi sa članom 55. KZ F BiH, koje je izvršeno na način, u vrijeme i u mjestu kako je to bliže navedeno u izreci ove presude.

Ova optužnica potvrđena je od strane sudije za prethodno saslušanje ovog suda dana 09.06.2023. godine.

Na glavnoj raspravi održana dana 12.03.2024.godine, Kantonalno tužilaštvo Zeničko – dobojskog kantona dostavilo je ovom sudu Sporazum o priznanju krivnje pod brojem: T04 0 KT 0048970 22 od 25.10.2023. godine koji je potpisan od strane kantonalne tužiteljice J. B., branitelja Tarik Lemeša, advokata iz Visokog i optuženog C. F..

U navedenom Sporazumu optuženi je priznao da je izvršio krivično djelo neovlaštena proizvodnja i stavljanje u promet opojnih droga iz člana 238. stav 1. u vezi sa članom 55. KZ F BiH, a kantonalna tužiteljica je prihvatila da se optuženom za navedeno krivično djelo izrekne kazna zatvora u trajanju od 1 (jedne) godine.

Razmatrajući Sporazum o priznanju krivnje sud je utvrdio da je optuženi C. F. prihvatio sporazum dobrovoljno, svjesno i sa razumijevanjem, da je prethodno upoznat sa zapriječenom kaznom za ovo krivično djelo, da je prije potpisivanja sporazuma upozoren na posljedice prihvatanja sporazuma koje se odnose na moguće posljedice u pogledu imovinsko pravnog zahtjeva i troškove krivičnog postupka, te odricanje od suđenja i nemogućnost ulaganja žalbe u odnosu na krivično pravnu sankciju.

Sud je također utvrdio da Kantonalno – tužilaštvo Zeničko – dobojskog kantona raspolaže sa dovoljno dokaza o krivnji optuženog i to: zapisnik o ispitivanju osumnjičenog C. F. K. tužiteljstvo ZDK od 11.05.2022. godine, nalaz i mišljenje kemijskog vještačenja FUP Sarajevo, Centar za forenzička ispitivanja, vještačenja i istraživanja broj: 09-18/2-03-5-41 od 14.02.2022. godine, nalaz i mišljenje kemijskog vještačenja FUP Sarajevo, Centar za forenzička ispitivanja, vještačenja i istraživanja broj: 09-18/2-03-5-1158 od 21.07.2022. godine, naredbu za pretresanje PS Visoko broj: 08-02-09/1-59/21 od 22.12.2021. godine, potvrdu o privremenom oduzimanju predmeta PS Visoko broj: 08-02-09/1-203/21 od 22.12.2021. godine, na ime C. F., zapisnik o pretresanju stana, drugih prostorija i pokretnih stvari PS Visoko broj: 08-02-09/1-59-1/21 od 22.12.2021. godine, zapisnik o otvaranju i pregledu privremeno oduzetih predmeta i dokumentacije PS Visoko broj: 08-02-09/1-371-1/21 od 06.01.2022. godine, naredbu za pretresanje Općinskog suda u Visokom broj: 41 0 K 092891 22 Kpp od 06.05.2022. godine, potvrdu o privremenom oduzimanju predmeta PU I Zenica broj: 08-02-08/4-126/22 od 11.05.2022. godine, na ime C. F., zapisnik o pretresanju stana, drugih prostorija, pokretnih stvari ili osoba PU I Zenica broj: 08-02-08/4-31/22 od 11.05.2022. godine, zapisnik o otvaranju i pregledu privremeno oduzetih predmeta i dokumentacije PU I Zenica broj: 08-02-08/4-331/22 od 11.05.2022. godine.

Imajući u vidu činjenice koje se odnose na ličnosti optuženog, sud smatra da će se se izrečenom kaznom zatvora u trajanju od 1 (jedne) godine, ostvariti svrha kažnjavanja, a to je da će ista uticati na optuženog da više ne čine krivična djela, te da će se sa ovakvom krivičnom pravnom sankcijom ostvariti svrha specijalne i generalne prevencije kako je to propisano odredbom člana 42. KZ FBiH.

Sud prihvata kao svoje činjenice i okolnosti koje su cijenili kantonalna tužiteljica, branitelj optuženog i optuženi prilikom zaključenja sporazuma o priznanju krivnje.

Na osnovu člana 202. stav 4. ZKP FBiH, optuženi se oslobađa plaćanja troškova krivičnog postupka i isti padaju na teret budžeta.

Na osnovu člana 78. i člana 238. stav 4. KZ FBiH, od optuženog C. F., oduzima se opojna droga “amfetaminsulfat”, preostao nakon vještačenja, pohranjena u depozitu MUP ZDK, Uprava policije Zenica, a koja će po pravosnažnosti ove presude biti uništeno od strane MUP ZDK, Uprava policije Zenica.

SUDIJA
Ana Sotirov

POUKA: Protiv ove presude dozvoljena je žalba Kantonalnom sudu u Zenici, putem ovog suda, u roku od 15 dana od prijema presude.